

ԿԱՆՈՆԱԿԱՐԳ
ՌԵՖԵՐԱՏԻ ՊԱՏՐԱՍՏՄԱՆ ԵՎ ՆԵՐԿԱՅԱՑՄԱՆ

1. Ընդհանուր դրույթներ

1.1. Ռեֆերատի պատրաստման և ներկայացման կանոնակարգը (այսուհետ՝ կանոնակարգ) մշակված է Արցախի պետական համալսարանի պետական ոչ առևտրային կազմակերպության (այսուհետ՝ ԱրՊՀ) կանոնադրության, <<Կրեդիտային համակարգով առկա ուսուցմամբ ուսումնական գործընթացի կազմակերպման կարգ>>-ի հիման վրա:

1.2. Սույն կանոնակարգի նպատակն է ռեֆերատների պատրաստման և ներկայացման միջոցով նպաստել ուսանողների մոտ ինքնուրույն վերլուծական գործունեության համար անհրաժեշտ հմտությունների ձևավորմանը, նրանց տեսական և գործնական պատրաստվածության բարելավմանը, ուսումնական նյութի յուրացմանը:

1.3. Ռեֆերատի գնահատականը կարող է օգտագործվել տվյալ առարկայից ուսանողի ակտիվության միավորի հաշվարկման ժամանակ:

2. Ռեֆերատի նպատակը և առաջադրումը

2.1. Ռեֆերատը ուսանողի ինքնուրույն գրավոր աշխատանքի ձևերից մեկն է, որում նա շարադրում է որևէ հարցի կամ թեմայի էությունը՝ հենվելով գրականության վրա (դասագրքեր, ձեռնարկներ, մենագրություններ, հանրագիտարաններ և այլն):

2.2. Ռեֆերատի պատրաստման ընթացքում ուսանողը պետք է ինքնուրույն գտնի, համակարգի, օգտագործի և իմաստավորի տվյալ թեմային համապատասխանող գրականությունը:

2.3. Ռեֆերատում հակիրճ շարադրվում է թեմային վերաբերող գրականության բովանդակությունը, ինչպես նաև ուսանողի փաստարկված կարծիքը տվյալ հարցի վերաբերյալ: Գրականությունից, համացանցից կամ այլ աբյուրներից պատրաստի աշխատանքները որպես սեփական աշխատանք ներկայացնելը համարվում է գրագողություն:

2.4. Ռեֆերատի թեման առաջարկում է դասախոսը: Ուսանողը կարող է ընտրել այն առաջարկվող ցանկից կամ ինքնուրույն՝ համաձայնեցնելով դասախոսի հետ: Թեման պետք է լինի հստակ, հակիրճ, արդիական:

2.5. Ռեֆերատի պատրաստման համար անհրաժեշտ գրականության ցանկը տրամադրում է դասախոսը: Ուսանողը պետք է որոնի, գտնի և համակարգի ռեֆերատի թեմային վերաբերող լրացուցիչ աղբյուրները:

3. Ռեֆերատի բովանդակությունը և կառուցվածքը

3.1. Ռեֆերատին ներկայացվող ընդհանուր պահանջներն են.

- գրված լինի հայերեն (բացառությամբ օտար լեզուների մասնագիտությունների),
- ունենա 3.2-րդ կետում տրված կառուցվածքը, շարադրված լինի տրամաբանական հաջորդականությամբ, հակիրճ, ճշգրիտ և միանշանակ:

3.2. Ռեֆերատի կառուցվածքի մեջ մտնում են՝ *տիտղոսաթերթը, բովանդակությունը, ներածությունը, հիմնական մասը, ամփոփումը, օգտագործված գրականության ցանկը*, անհրաժեշտության դեպքում՝ *հավելվածը*:

3.2.1. *Տիտղոսաթերթում* նշվում են բուհի, ֆակուլտետի անվանումը, մասնագիտությունը, առարկան, թեման, ուսանողի անունը, ազգանունը, հայրանունը, դասախոսի ազգանունը և անվան, հայրանվան սկզբնատառերը, գիտական աստիճանը և կոչումը, կատարման տեղը և տարին:

3.2.2. *Բովանդակության* մեջ ներկայացվում են ռեֆերատի բոլոր բաժինների վերնագրերը՝ էջերի նշմամբ:

3.2.3. *Ներածության* մեջ հիմնավորվում են ընտրված թեմայի արդիականությունը, աշխատանքի նպատակը:

3.2.4. *Ռեֆերատի հիմնական մասը* կարող է կազմված լինել 1-3 մասերից:

3.2.5. Ամփոփումը ներկայացվում է եզրակացությունների, եզրահանգումների կամ թեզիսների ձևով:

3.2.6. *Օգտագործված գրականության ցանկը* ներկայացվում է հետևյալ հերթականությամբ.

1. օրենքներ և այլ իրավական ակտեր, վիճակագրական տեղեկագրեր.

2. հայերեն և օտար լեզվով աղբյուրներ.

3. համացանցային կայքեր (չգերազանցի օգտագործված գրականության 30%-ը):

3.2.7. Հավելվածում տեղադրվում են անհրաժեշտ նկարներ, գծապատկերներ, աղյուսակներ և այլն:

4. Ռեֆերատի ձևավորումը

4.1. Ռեֆերատի ծավալը կարող է լինել 10-15 տպագիր էջ, առանց հավելվածի: Աշխատանքի առանձին մասերի միջև պետք է պահպանվի հետևյալ համամասնությունը.

- ներածություն՝ 1 էջ
- հիմնական մաս՝ 7-12 էջ
- ամփոփում՝ 1 էջ
- օգտագործված գրականություն՝ 1 էջ:

4.2. Ռեֆերատը պետք է հավաքվի (A4 ֆորմատ) Word ծրագրում Sylfaen (Times New Roman) տառատեսակով (տառաչափը՝ 12, միջտողային հեռավորությունը՝ 1,5, ձախից՝ 3սմ, աջից՝ 1սմ, վերևից՝ 2,0սմ, ներքևից՝ 2,5սմ), հղումների տառաչափը՝ 9:: Աշխատանքի բոլոր էջերը համարակալվում են, բացի տիտղոսաթերթից: Երկրորդ էջը բովանդակությունն է: Էջադրումը սկսել բովանդակության էջից: Ռեֆերատի յուրաքանչյուր մաս սկսվում է նոր էջից:

4.3. Որևէ հեղինակի միտք, գաղափար մեջբերելու կամ թվային տվյալներ օգտագործելու դեպքում, անհրաժեշտ է կատարել հղում: Հղումները և մեջբերումները տեղադրվում են էջի ստորին մասում, հիմնական տեքստից բաժանվում են ուղիղ գծով և համարակալվում արաբական թվերով կամ քառակուսի փակագծով, որտեղ նշվում են գրականության ցանկի հերթական համարը և էջը:

5. Ռեֆերատի ներկայացումը և գնահատումը

5.1. Ուսանողը պարտավոր է պատրաստի ռեֆերատը ներկայացնել դասախոսին նախատեսված ժամկետներում:

5.2. Դասախոսը ստուգում է ռեֆերատի բովանդակությունը, դրա համապատասխանությունը առաջադրած թեմային, ինչպես նաև կառուցվածքի և ձևավորման համապատասխանությունը սույն կանոնակարգի պահանջներին: Մյուս կողմից՝ փակարարման դեպքում ռեֆերատը ընդունվում և թույլատրվում է ներկայացման՝ բանավոր զեկուցման ձևով:

5.3 Ռեֆերատի գնահատման ընդհանուր միավորի կեսը տրվում է թեմայի արդիականության հիմնավորման, նյութի տրամաբանական հաջորդականությամբ շարադրման, լրացուցիչ գրականության օգտագործման, առաջադրված խնդիրների լուծման և եզրակացությունների կատարման համար, իսկ մյուս կեսը՝ բանավոր ներկայացման, թեմային առնչվող հարցերին պատասխանելու համար:

6. Ռեֆերատի հաշվառումը և պահպանումը

6.1. Ռեֆերատը ներկայացնելուց հետո, այն հանձնվում է ամբիոն, որտեղ պահպանվում է 1 կիսամյակ:

